



# Statuts

## **Logo**

Il logo simbolisescha la roda mulin, ils pissials dil fallun, la resgia ed il mulin (spigias). Il num dall'uniun sederscha sco l'aua sur la roda giu. La colur blaua representa la vischnaunca da Mustér, denton era la forza dall'aua. La colur nera representa la tiara e la tradiziun. La scartira Alexander Quill dat ina temprà historica (quill, engl. munta scret cun plema) e sutlingescha la funcziun dall'uniun.

## I. Disposiziuns generalas

### Art. 1

1 Sut il num Uniun culturala d'objects historics, Disla exista in'uniun el senn dad Art. 60 ss dil CCS cun sedia el liug da domicil dil president.

*Num e sedia*

### Art. 2

1 L'uniun ha gl'intent da mantener, acquistar, tgirar e survigilar ils objects historic-cultural egl uclaun da Disla.

*Intent*

2 Las activitads cumpeglian las suandongas spartas:

- a. objects: mulin, fallun, resgia, cascharia, truasch
- b. historia: veglias isonzas, usits culturals
- c. acquist: objects, iseglia, litteratura, uaffens ed utensils vegls
- d. occurrenzas: di dil mulin, visetas guidadas

3 Pertuccont ils differents objects vegn menau in inventari.

### Art. 3

1 Scadinas indicaziuns, nominaziuns e funcziuns da personas en quests statuts serefereschon ad omisduas schlatteinas.

*Egualitad dallas schlatteinas*

## II. Commembradi

### Art. 4

1 Commember sa mintga persona naturala e giuridica che ha interess pils fatgs historic-cultural digl uclaun da Disla daventar. El vegn recepius a caschun dalla radunonza generala.

*Commembers*

### Art. 5

1 Personas ch'ei sefatgas meriteivlas per l'uniun ha la radunonza generala, sin proposta dalla suprastonza, la pusseivladad da numnar commembers d'honor.

*Commembers d'honor*

### Art. 6

1 Mintga commember ei obligaus da pagar la contribuziun annuala, la quala vegn mintgamai fixada dalla radunonza generala.

*Contribuziuns*

<sup>2</sup> Commembers da suprastonza e commembers d'honor ein deliberai da pagar la taxa annuala.

<sup>3</sup> Munchenta in commember da pagar la taxa annuala duront dus onns eis el excludall'uniun.

## IV. Organs

### *Organs*

<sup>1</sup> Art. 7 Ils organs dall'uniun ein:

- a. la radunonza generala,
- b. a suprastonza,
- c. ils revisurs da quen
- d. assessurs

<sup>2</sup> La perioda d'uffeci cuoza treis onns.

<sup>3</sup> Ils commembers da suprastonza duein vegni eligi alternativamein.

### *La radunonza generala*

#### **Art. 8**

<sup>1</sup> La radunonza generala ei il organ suprem dall'uniun. Ella vegn convocada dalla suprastonza ed ha liug ina gada ad onn el decuors dalla primavera. L'invitaziun cull'indicaziun dallas tractandas succeda a scret, adressada a tuts commembers ed el FUS sil pli tard 15 dis avon la radunonza.

<sup>2</sup> Ella ha las suandontas competenzas:

- a. approbaziun dil protocol dalla davosa radunonza
- b. prelecziun dil rapport annual
- c. rendaquen e preventiv
- d. approbaziun dil program da lavur
- e. elecziun dalla suprastonza e dils revisurs
- f. recepziun ed exclusiun da commembers
- g. fixaziun dalla contribuziun annuala
- h. revisiun dils statuts

<sup>3</sup> Tuttas decisiuns ed elecziuns vegnan pridas cun maun pli dallas vuschs dils presents.

<sup>4</sup> Ina tiarza dils presents sa era pretender scrutini.

## Art. 9

1 La suprastonza ni in tschunavel dils commembers san preten-  
der ina radunonza extraordinaria.

*La radunonza  
extraordinaria*

## Art. 10

1 La suprastonza secumpona da treis commembers. Ella secons-  
tituescha sesezza cun excepziun dil president e secumpona dil  
president, actuar, cassier.

*La suprastonza*

2 La suprastonza liquidescha las fatschentas currentas, aschia  
prepara ella las tractandas e convochescha la radunonza gene-  
rala. Ella elegia ils dus assessurs.

3 Il president representa l'uniun anoviars e meina las radunonzas  
e sedutas.

4 Igl actuar/l'actuara scriva ils protocols dallas radunonzas e dal-  
las sedutas.

5 Il cassier incassescha las contribuziuns, meina il quen annual e  
rapporta surlunder alla radunonza generala. Tenor basegns sub-  
stituescha el il president. Plinavon meina el la gliesta da com-  
members.

6 Ils assessurs sorprendan differentas incumbensas en favur  
dall'uniun.

## Art. 11

1 Ils revisurs revedan il quen e la facultad dall'uniun e dattan rap-  
port per mauns dalla radunonza generala.

*Revisurs*

## II. Finanziaziun e contribuziuns

1 Per contonscher las finamiras dispona l'uniun da suandonts  
mieds finanziais:

- a. contribuziuns dils commenbers
- b. contribuziuns da sponsurs e donaturs
- c. subvenziuns e contribuziuns d'instituziuns
- d. recav a caschun d'arranschaments

*Cumpetenzza  
speciala*

## **Art. 12**

1 La suprapostanza dispona d'ina expensa annuala da frs. 1'500.00

## **II. V. Disposiziuns finalas**

*Responsabladad*

## **Art. 13**

1 Per obligaziuns finanzialas garantescha exclusivamein mo la facultad dall'uniun. La responsabladad persunala dils commembers ei exclausa.

*Onn dall'uniun*

## **Art. 14**

1 Igl onn dall'uniun croda ensemen cun igl onn calendar, la perioda d'uffeci entscheiva e cala mintgamai cun la radunonza generala.

## **Art. 15**

*Reglamentaziuns  
specialas*

1 Caussas buca stipuladas en quels statuts vegnan regladas tenor Art. 60 ss CCS.

## **Art. 16**

*La dissoluziun  
dall'uniun*

1 La dissoluziun dall'uniun san la radunonza generala ni ina radunonza extraordinaria decider e quei mo cun silmeins duas tiazas dils commembers presents.

2 Las immobilias e la facultad van en proprietad dalla vischnaunca politica da Disentis/Mustér.

## **Art. 17**

*Entrada en vigur*


1 Quels statuts van en vigur cun l'approbaziun a caschun dalla radunonza generala dils 18 da mars 2022 e remplazzan ils statuts dils 14 da december 1990 e dils 28 da mars 2009.

Disla, ils 18 da mars 2022

Il president:

  
Valentin Bisquolm

Il cassier:

  
Umberto Zanin



